

四庫全書存目叢書編纂委員會編

齊魯書社

四庫全書存目叢書

子部
第一六三冊



魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

E667/07

四庫全書存目叢書·子部一六三

(限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 45.75 印張

1995 年 9 月第 1 版 1995 年 9 月第 1 次印刷

印數 1 100

ISBN 7-5333-0478-0

2·27 子部定價：78300 圓

子部第一六三冊目次

子部·雜家類

木鐘臺集初集十種十卷再集十種十一卷雜集十種十卷(二)

〔明〕唐樞撰

私藏明嘉靖萬曆間刻本

陸學士雜著十種十一卷(存八種九卷)

〔明〕陸樹聲撰

中央黨校圖書館上海圖書館藏明萬曆刻本

春秋左傳評苑三十卷首一卷國語評苑六卷戰國策評苑十卷(一)

〔明〕穆文熙輯

復旦大學圖書館東北師範大學圖書館藏明萬曆二十年鄭以厚光裕堂刻本

木鐘臺集初集十種十卷再
集十種十一卷雜集十種
十卷(二)

〔明〕唐樞撰

私藏明嘉靖萬曆間刻本

附《四庫全書總目·木鐘臺集
無卷數》提要

周禮因論跋

宰也遊

一恭先生之門十年于茲矣今年春扣木鐘堂先生病肺不接門下士迺出所著周禮因論授之且命爲跋宅素不文暗于經制謂先生必有以發吾蒙也歸而讀之三四過嘆曰嗟乎此先生經世之蘊發之矣因論周禮以迨考工記復古編折衷辯疑通考及諸家羽翼周禮者該輅盡矣因揭其要曰設官布和以爲民極何如得其本源闕秩又曰公孤以道重六卿相天子稽程功効我

周禮跋

祖聖悟天授官制深合周典因論分職之意曰太宰正天下官寮使萬民得所而王躬立極乃爲正之之實天之立君惠利民生大司徒一典已盡大宗伯叙禮樂立中和之防合天地之化是爲建極根抵司馬主盛夏長養以歛爲暢本意在不戰而屈人兵司寇防于未發而治將以之惡乃制刑本意司空任土地治財賦故司

文多雜之則考工記可無補也又曰天官行意地官盡實以下四官輔翼此而已噫要矣又因為之言曰周公於道能備而事能屢遷者也其政窮于時而其德不窮善觀周禮者識周公之神之精以為民極則百世可知也噫要矣先生經世博學不竟于時而寄于是識先生之神之精以繼周公之政之事三代之治可代而興也已愚非其人識之以待觀會而求通者

隆慶六年四月之吉門生平湖陸光宅謹跋

周禮跋

二

周禮因論

吳興唐樞

問周家典禮郁郁乎文集百王之大成孔子謂周監於二代是如何監子應之曰陳同甫云自伏羲神農黃帝已來順風氣之宜因時制法凡以為人道之極監是觀會而求其通以立一王之法元非集百王之大成

問鄭漁仲云周禮一書詳於制度而不及道化嚴於職守濶畧於人主之身所以學者疑其非

周禮

聖人之書何故周公不闡由衷之典作無頭學問子曰六官之設總是箇以為民極民極乃周禮的本源關係人主專專以此體道成化同人心出治法

問呂東萊云周禮先王五禮六樂三物十二教定方位國野設官分職以為民極朝不混市野不踰國人不侵官后不敢奸王之權諸侯不敢僭天子之制公卿大夫不侔商賈之利六卿九牧相屬而聽命於三公其見似詳明有序曰曷

言隱括殆盡只末後一語不以為然三公坐而論道不預政卿牧元不相屬職無聽命之義道有時宜物何兩大

問公孤不列職守何故曰公孤以道重天子不得而臣諸侯亦不得友有謂隱士不臣天子豈率上之濱有非王之臣正指舉而加諸公孤之位而無職以為臣者故公孤元非相職古有十六相舜有相臣五武王亂臣十人總如周官六卿六卿相天子稽程功效若公孤則論道格心

周禮

二

以正治原寅亮燮理為造化之友坐與議學為天子之友而諸侯不得友何事以為貴成聽命之具後世此誼不明相延而誤至我

太祖聖悟天授遂嚴立相之禁此不可不致深長思也

問民在何處歸極曰君子賢其賢而親其親小人樂其樂而利其利親賢樂利只是教養上有準則

問冢宰總主百官府分明是相職不得與五官

問有官曰冢宰不行百寮之事為百寮商法授職稽其功情以行黜陟故周之法與後世不差遠只宮中不相干涉與後世不同但時有古今亦宜防隔不得不分內外察其言官糾絕以存選制之機所不可缺

問和布何義曰這是與民同體須能和於民纔可為民極周之所以為王道全在這和這極問太宰職十條曰六典是經常之法八法八則是治典中分立總目八柄八統乃行治典之法

周禮

三

故以詔王言不敢專也九職法以養民者九賦法以取民者九式法以用於上者九貢九兩法以和於民者太宰正天下之官察必使萬民得所於下而王躬立極於上乃為正之之實

問九兩何義曰兩故化兩則無我無我然後能平天下故曰得民曰繫邦國之民

問王饋六穀六牲六清八珍百二十羞醬十有二鼎何太多如此曰此言倫物以待用非一食而盡用之有時宜有好尚有調攝隨擇而取

問王與后何以不設醫曰王與后以道自律願調於未病之先只有食醫掌和王之六食六飲六膳百羞百醬八珍之齊故曰君子之食恒放焉盡養道以爲學也

問膳夫之職唯王與后及世子之膳不會其庖人酒正外府止唯王與后不會而世子不及言若司裘則唯王之皮事不會而后及世子皆不及言何也曰會者有司稽考之常非避尊而故舍之天子所用有常度故不必會而數已先定

周禮

四

若庖人之職正之飲外府之服世子無額供故會其司裘之皮事后與世子俱無額供

問周禮理財之官一項太府所屬一項司會所屬何以不同太府歲終會貨賄之入出則司會似重鈎考太府下大夫而司會秩崇太府項員畧而司會倍之何歟然皆中大夫而止至漢則謂計相及後專主戶部爲卿階何歟且周不領於地官以付冢宰何歟曰人君圖賢才共理冢宰一官專爲用人設立官之序由尊及卑由內

外太府之會掌守納財出財細數目所以紀儲蓄司會之會計重生財用財總盈縮所以定出納故司會論計其責大太府守成其事輕司會合叙其功繁太府徑執其力易此崇卑衆寡所由得也然古今異宜後世利孔易弊故漸重其權以臨之勢也但此財政二職乃國家取而用之之事其處民之生以開財源則有九職以任萬民九職之政先王所以建民極上下相通之情是以取之而什一中正用之而量入爲出

周禮

五

莫非情通之道也

問六官之治皆和布以爲民極天之立君惠利民生却似大司徒一典已盡曰天官行意地官盡實以下四官輔翼此而已先王所以仁天下只有教養使之贍其生而復其性有不率而禁防之有不解而明舉之有不能而處導之中間却非一人可辦直須詳列百寮以收吏治故必天官惟急四官惟明莫非行得大司徒一典問司徒周地域制畿疆設社稷足以奠民之居

又向又詳於土會爲上宜土壤土均土圭辨名
物乎曰辨名物不止於奠民居庶人之生圉於
氣質氣質從土地上產育先王施教變化其性
所偏稟豈得不追辨其所生來歷

問土圭法制畿周公居攝四年營洛邑何前聖
王舍此不爲又地中之景當在潁川陽城况有
謂葱嶺爲地之中曰洛邑在天地側南畔以爲
中從古立國建都各合時之所宜原無定所土
圭之測是槩論陰陽平處乃阜安白物此外却

周禮

六

有偏重各須隨方斟酌以成治化亦非專自道
其居攝耳若追古畿設實因方氣旺運義農來
從東轉東北而北而西北而南不只泥一地
問荒政蕃樂自來讀蕃爲藩謂閉藏樂器是否
曰先王體民之情而欲以聚之恐其情無聊或
致流徙或成疾故廣爲寬解之倫蓋虛作娛暢
非設宴無制以糜財也後世樂教不行蕃則恣
情侈費又不可

問閭胥使相受何謂曰設比閭族黨州鄉皆縣

民而敦風俗王道之根本也內而家以敦孝弟
外由近以致情親推家以及比雖不能同衣食
可以同安危即比以及閭雖不能同安危可以
同寄托因閭以及族雖不能同寄托可以同死
生就族以及黨及州及賓雖情遠而衆然不能
泛視相救而扶其將顛相調而甦其極苦相賓
而禮其交遇此敦風俗人心以成道化之實

周禮

七

問比法曰事有統紀則法可持循而德能流運
故比法王政所由始以之制民而比閭族黨州
鄉必從於正比以之制兵而伍兩卒旅師軍必
從於得伍以之制田而井邑丘甸縣都必從於
設井居之者自約而推廣則易承其臨之者自
尊以及卑則易行故鄉大夫士府史胥徒品次
不紊

問調人之和難負讐者敦親不當和致讐者坐
曲不必和况假之節而以執之曰此王政周人
情而爲之所讐者迷於有親故過求致者直於
自反故弗避王者欲平其情故交相殺而交相

管子者念之恐其行讐而罹於法調入之所由立也

問錢何以謂布曰古不製錢錢法後世之誣古也布乃貨物流行之謂泉府亦是此意問如何有紬絛質罰屨五布這是錢法之歸於泉府者曰屨人歛五者之餘貨入於官官不自取復作爲民用若用錢以權子毋豈不行於大市只這零物纔用

問泉府賒法貸法曰此聖王體民無所不至然

庸禮

八

以國服爲息工役之謂服蓋不息其利能償者賒不能償者只用其力以爲償數後世有誤認王者利民而息又無辨授之詳如何不擾煩問土訓誦訓之別曰土訓之詔以詔民誦訓之詔以詔王若王巡守二訓皆夾王車合存以備考也

問天府掌祖廟之守藏歲祭天之司民司祿而獻民數穀數則受而藏之何其重民重穀如此曰民惟邦本三十年之通有十年之積爲太平

管子制國七民而五農工商之鄉二等本末討經變民數穀數所以不可忘

問正室何以謂門子曰古道重宗嫡所以幹支

衆主律門事仁義立而族類親家之所爲也

問周官教世子不專設員其教國子屬教典師

氏之三德三行保氏之六藝六儀屬禮典大司

樂之樂德樂語樂師之小舞大胥之合舞合聲

小胥之醵捷屬政典諸子之春學秋射隨其宿

衛學校及倅貳而教之而獨世子畧焉何也以

庸禮

九

其爲唯王與后及世子同其養習則師保氏自詔王嬖諫王惡外無他及說者以謂周公抗世子法於伯禽故所以待國子者以待之此恐不然於王不諱詔獨諱世子耶古使世子齒於學意所謂國子乃合天子之元子王制曰王太子公卿大夫元士之適子國之俊選皆造焉又雜說謂大司樂便是教太子官然亦宜設輔專署并寮曰此必有說豈其有而亡之不可曉也問周何以畧諫員曰古密於養故諫踈典章定

恭而治况周法左右遠近莫非準繩之地其
臣民之復逆太僕違之三公孤卿之復逆小臣
達之群吏庶民之復逆御僕違之有路彼以爲
通有外朝以爲詢皆諫之於有形者也冢宰詔
王馭臣民詔王廢置百官府司會詔王廢置天
府詔王察吏治廩人詔王殺國用太史詔王居
閨門小史詔王忌諱內史詔王聽治司士詔王
治小臣詔王法儀皆諫之於無形之視也百執
事各有司職天子過則臣下失職人人具有言

周禮

十

責

問過市定罰何謂曰義利不兩立一邇利必忘
義凡居民之上無故而過於市必有所爲規之
者這點心一萌便不可使長便不可居民之上
問夫人慕世子帶命夫蓋命婦惟俱是罰而天
子赦刑何也曰悔過而行赦以自罰也問自罰
則何自爲之曰乘輿舉動各執事必有匡諫
問大祝氏六祝何祝六祈何祈幽明之故可以
辭號祭要之也乎曰祝者獻已之處貞陳信

鬼神示也祈者求鬼神示之格而無斂與鬼神
合其吉凶也故曰事曰同皆自盡於人非後而
要之

問天地之產陰陽之作中和之防禮樂之合天
地之化百物之產何指大宗伯叙禮何以及此
曰天子建中和之極行五禮以交神明主民
只有得這段是他根抵世之偏蔽於陰陽者不
能合天地之化殊不知皆生來所自有以吾全
產而作其偏是謂文之以禮樂學之實也是爲

周禮

十

行禮問何謂全產曰中和之性元氣之所流行
發揚凝閉以時而出兩作之者致曲之道也
問太史掌建邦之六典八法八則以逆邦國官
府都鄙之治內史掌王之八枋以逆會計六典
是冢宰獨任何得又將史官干與且何以謂之
逆曰典是典章冢宰建此典章太史則辨訂其
可否內史又糾繩其繆失是謂之逆參盡衆能
然後事成令典太史即翰林院內史即中丞御
史大夫其御史中士贊冢宰凡治者受法令字

拜書凡數從政者即與今同

問馮相保章二職之分曰馮相主推步保章主占驗

問成均學政全屬一樂事樂語樂舞可爲教其樂德之教何以施之六德中孝友可爲教其中和祇庸何以及之曰樂語樂舞聲容粗迹即粗以造就其精全在德上若孝友亦不指可爲教者孝是親親之意友是順愛之情乃視於無形聽於無聲之實雖中和祇庸亦自精誠一念上

周禮

上

表章這不走作氣象不是後世直於聲容索此四者此處端的方能致鬼神示和邦國諧萬民安賓客說遠人作動物

問古雲門等七帝舞屈伸綴兆之詳不盡傳周官大司樂亦不備具今雖歌詠各沿方調偏勝之音若何正之曰此正要從樂德上立本姑自粗迹言直而溫寬而栗剛而無虐簡而無傲這中間體操是何樣景物

問司馬主兵戒如何專以邦政歸之夏萬物成

長兵事肅殺不相屬云何曰政正也大司馬持其威嚴以立禁詰百令之所爲脩明也生生之謂易下生可見之生上生則生其生以歛道爲暢立於無形之意故能安其生理兵到用戰處已是末稍事

問古寓兵於農天子六軍七萬五千人出自六鄉七萬五千家但六鄉六遂近郊遠郊二百里爲田六十四同當有一百六十萬餘家計丘甸出車之法有五十餘軍何其制兵之不合乎曰

周禮

車

六軍者大司馬所統若王畿之居守御駕之出行與事變之遣調更休之代發各有所用故謂大事致民大故致餘子中間必有通融細法不是一家出一人亦不是將京軍調發無後世長隨長征之役

問設儀辨位宗伯所主祭以大司馬不已雜乎曰儀位之立自宗伯儀位亂則勸司馬故司馬立而儀位守矣二者皆不可缺非參贊也太宰之建牧立監亦然

問曰動六功戰獨居叙後且名爲多何也曰兵到用戰已是多了不戰而屈人兵乃設司馬本意

問司士之權與太宰埒其有異同則何從豈以糾太宰設耶曰非也太宰會其成司上精其始大樂正論造士之秀者以告於王而升諸司馬曰進士司馬辨官材而定其論論定而後官之任官而後爵之位定而後祿之此司士之職也問三歲稽士任而進退其爵祿豈特只精其始

周禮

古

曰此稽諸侯貢士之賢否非程士之所終問一職方已足掌天下之地辨其人民財用之數要周知其利害使同貫利何得復設土方懷方合方訓方形方又匡人擇人諸官曰先王之治不專於自爲所以求周民以爲極予既以制民而維之必於民爲之所各盡其土之所宜而化則有土方氏使其遠來送逆則有懷方氏達其殊而同其好善則有合方氏布政志訓傳道而觀新物則有訓方氏合華離使小大相安則

有形方氏此皆制治於未亂若匡人擇人宣上德達下情又消患於未萌司馬法雖主兵要之正其本源爲多

問量人掌固土方山師諸職與司徒虞衡土訓訓若聯屬一體曰不相同山川林澤之官司徒但會其財物却不周行邦國去司馬專主邦國料理

周禮

車

問夏官叙兵事不見有戰法戰圖刺擊之方曰凡戰有先形是後世生出名家隨時籌計不泥傳授問風后何以有傳曰也只握得這機變化無定

問司寇詰姦懲刑暴亂則直刑之而已如何又謂掌邦禁詰是推其實刑是定其罪禁則防於未發而消其將成之惡何以差異曰禁乃王人制刑本意惡著而罪明不得已詰而刑之故曰如得其情則哀矜而弗喜

問嘉石肺石何以並設曰王政一行法便恐在人窮民情不能達周物而知者豈得放過

問刑官泣誓戒泣戮不幾於侵太宰司馬之任乎曰大事泣之崩衆心也秋氣潔凝莫敢不肅

問夏官司燿冬官有治水何以復設司烜氏奉明水火曰水火至秋本體益堅明故曰於此燥烈月於此皎澄本體不加但自精爽足氣魄問八成之首爲邦內均義云何曰均字誤於次次通謂重次神器者故爲首辟邦賊是攘其貨次其皿之爲盜其爲邦盜乃盜國中之物故

加一邦字

周禮

六

問士師何爲治荒辨追胥合聯以爲養非其職也曰合本末究終始王道所以有源委一味刑誥人乃後世之務若到所以治的設施又歸司徒勾當

問司民一職登民之數例於小司徒似重出曰司民歲登下其死生專在會歲刑之數圖國用而進退之蓋欲爲民求生恐其過於殘害問冥氏十餘屬刑及禽獸草木可無已乎曰

是爲民除害周公驅猛獸而百姓寧

問齒而設伊耆氏何以列於禁衛曰在其其杖威所以敬神明也杖雖天子息老物之具亦不假借

問子不射宿穴氏攻蟄非慘哉曰此非冬歲之蟄獸之穴而有害於人如穿冢損財城狐社鼠之類

問國交儀物不當隸司寇大行人諸職不過嚴其出禮肅歡洽不使之過明章程翼其不及若

周禮

七

朝覲宗遇會同臣六勤於上間問歸賑賀慶致禮王四愛於下九儀五命四爵享食積問勞積逆贊觀各有數殊直惟宗伯所行曰是誠然禮官任禮刑官正禮出禮則入刑但正之者必先陳其常典而按之然後得而稽之糾之非所以建之也於是小行人掌其禮籍以令諸侯以達天下之六節以成六瑞合六幣於是及其萬民之利害逆順姦寇康樂爲五書反命於王以周知天下之故於是司儀於合諸侯及諸公諸侯

諸伯諸子諸男之相爲賓也則各以其禮相待也諸公侯伯子男之臣之相爲賓也則各以其禮相待也諸公侯伯子男之臣之相爲國客也各如之行夫亦掌國使之小禮於是而環人之環掌訝之訝象胥之論說掌客之掌政掌交案之通事皆陳其典欲按而稽之糾之非以建之也故儀之爲儀之政則有司存

問考工記可補冬官否曰總是說事不傳與問復古編是否曰唯唯否否考工記本可疑以

周禮

本

之實其淵固有在而所夷之丘或未以爲然也太宰所屬其論係財賦然有深意不是專歸其本職司徒掌邦教凡復性養生皆其教欵豈以任土地治財賦爲非所涉乎大都六官參對可疑處不能無只政禁二典如職方大行種種煞有深長思俞壽翁雖未嘗無見但覺淺露此處論議透得便纔有治平手段

問鶴山折衷有六發明否曰折衷二卷止說得天官篇周官須合今書縣維參緝過纔見古人

用意無此子糾滲所以爲民極

問陳徐善華說得盡否曰周禮六官總是个正朝綱天子倚爲令本便是養君德百姓因爲歸極便是均國勢其疑主客行人侵司寇土地疆域侵司馬朱晦翁不以爲然大段所見亦膚淺零碎

問周禮辨疑何如曰不須解辨善義王安石差處不全在書上即行龜山所論也要誤事

問夏休井田譜林勛本政書項安世丘乘說等

周禮

九

議論可羽翼周制否曰諸著述覃思曲畫儘是通論只以後世而申此策總是說空話烏能見諸作爲

問葉水心謂周禮遭三大壞而治雖不足而書有餘壞後用雖有餘而書不足然否曰此亦是一議論但書無有餘不足顧用於治者得本不得本壞只壞於自私自利無愛民之實心孽孽同而善與利別

問通考云周禮三代時一凡夫可行以後不特

王莽之矯詐介甫之執慢雖賢哲亦不能行馬
端臨果得見否乎曰其說歸之不封建不周官
其爲封建又以所轄寡而能私土子民故其法
可運以守此書生不諳達之說也六典以簡御
繁公天下以爲民極而謂私其土可乎如其視
民而子不係廣狹衆寡蓋有父子而相仇者矣
爲天下者法行於德雖有周公才美乖隔於驕
吝况凡夫哉有罕樂陳三氏而後有鄭宋齊之
民惠豈難難賒貸之法後世之必不可行常平

青苗在慎之爾已

周禮

子

問胡五峯於周官疑誼數種當乎曰這也是秀
才說道理話便未見運弄國家勾當且亦未能
深考又古今異宜太宰雖總五官實是六典中
間條叙亦非繁複司財有職足用而賞與恭儉
並行豈爲征利用而有羨安得不謂長財太府
玉府良貨賄豈必王者之無好賜內外之防必
有界接關夫墨子似難盡除何師內祝之類當
亦深求始有得

問蘇子由三疑周禮之不可行實在此否曰周
典和布正不強人三疑却向疆地上論量順強
恐未然也

問何叔丘公註本曰大意祖述俞詩翁五次點
吳章廬爲多不脫本子相若真張官用世這自
有統會運用趣味豈容直頭直腦隨處補綴
問太平經國書何如曰是善於本文順條若用
意發明處便非聖人正意

周禮

子

只於言意之表欠注情總是文章家有聲韻
問考註所定六官是否曰內史外史御史合太
史皆史屬內史即中丞大夫其銜崇不足宰夫
八職中所謂史者太宰建國家典章不應全據
所見却須泰官太史明於翰苑者訂裁之又得
內史參總其繆而外史行其令於四方又群御
史兩下參勅糾詰皆不可缺此聖人深意周情
迄後世不廢而謂改入天官是爲太宰屬官則
順承不暇排所與也司勳掌六卿賞地之法以

等其功原是軍旅之事不應到實處便一憑太宰司馬却不稽管司士非侵太宰又非養死之員太宰會其成司上精其始蓋稽諸侯貢土之當否烏得移置太宰屬乎馮相保章上簒襲祿只應禮官所屬且無稽繩愆逆不必聯互而成之耳司徒職教然施教在人居人有土必從邦之土地之圖與其人民之數制其畿疆而辨其土物然後教可從而理五教十二教各因所向而立名十二教乃五教之所為教陶民而立其

周禮

主

本得養而致其成教之始終而事合源委以生理出乎教外大小司徒之分皆歸工役之粗以屬司空或未然也鬼神之名以幽明分可獨言神以往來分可二言以陰陽虛實分則三言之不可拘也追師饁人夏采以類考當存天官掌舍幕人掌次儀屬於王當存天官塚人掌諒掌交象胥自大小行人料理於外當存秋官司馬之職制畿封國設儀辨位進賢興功建牧立監乃九法之專掌其出有所從互有所考命有所

授權立於所主官成於所聯則司馬有不得導者若造士而升司馬則司徒已憑鄉誼而司馬因辨官材不可缺也伍兩卒旅司徒起軍旅之本也以之作田役以之比追胥豈得以隸夏官司隸罪隸蠻隸閩隸夷隸貉隸其事小宜刑之豈得以煩夏官小司寇登民數獻民數王者之至仁雖行刑而致恤故不忘胥師司覲司稽互雜而施禁令故非民俗之常問考註善處曰吳子以舜命伯禹作司空任平水土之事是故為

周禮

主

事典掌邦土為治莫先於教化故冢宰建邦之六典而司徒次之教化莫先於禮樂宗伯次之有不率者大則兵小則刑司馬司寇次之暴亂去而民得安居故司空事焉司空邦土之事故司徒易以雜之吳子以大小司空文盡在地官自鄉師至司稼皆冬官之文中間有鈞含深者不能無異同然固取而信之者多矣問陳龍川所發云何曰周公之政茂對時育物於道能備而於事能屢遷者也周公之術窮於